

# Dancksagung vnd Gebet auff

das Neue Jahr.

Paulus Eberus.

**H**elft mir Gottes gute preisen/ ihr lieben Kinderlein/ mit gsang  
vnd andern weisen/ ihm allzeit danckbar sein / Fürnemlich zu  
der zeit/ da sich das Jahr thut enden/ die Sonne zu vns wende  
den/ das neue Jahr angeht.

Ersilich last vns betrachten/ des Herren reiche gnad/ vnd  
so gering nicht achten/ sein vnzehlich wolthat/ Stets füren zu ge  
müt/ wie er dis Jahr hat geben/ allnotturfft dises lebens/ vnd vns  
für leid behüt.

Lehr ampt/ Schul/ Kirch erhalten/ in guten fried vnd ruf/  
narung vor Jung vnd Alte/ bescheret auch darzu / vnd gar mit  
milder hand/ sein gute außgespendet / verwüstung abgewendet/  
von dieser Stadt vnd land.

Er hat vnser verschonet/ aus väterlicher gnad/ wenn er sonst  
het belohnet / all vnser missethat / mit gleicher straff vnd pein/ wir  
weren lang gestorben/ In mancher noth verdorben / dieweil viel  
Sünden seind.

Nach Vater art vnd trewen/ er vns so gnedig ist/ wann wir  
die Sünd berewen/ glauben an Jesum Christ/ herzlich ohn heuche  
ley/ thut er all Sünd vergeben/ lindert die straff daneben / steht  
vns in nöhten bey.

All solch dein gut wir preisen/ Vater in Himmels thron/ die  
du vns thust beweisen/ durch Christum deinen Sohn / vnd bitten  
förder dich/ gib vns ein frölich Jahre/ für allem leid beware / vnd  
mehr vns mildt zlich.

E

Ein